


BOLETIN  OFICIAL

DEL

OBISPADO DE LEÓN

**SUMARIO:** Letras Apostólicas de S. S. Pío XI sobre Seminarios y estudios de clérigos.—Sag. Cong. de Ritos: sobre el toque de la campanilla en la celebración de la Santa Misa.—Nuevo Cardenal Primado —La Unión Misional del Clero —Fallecimiento del Emmo. Cardenal Martín de Herrera.—Relación de ordenandos.—Suscripciones permanentes y declarándolas abiertas para el próximo año.—Necrología y Asociación de Sufragios.

SACRA CONGREGATIO  
DE SEMINARIIS  
ET STUDIORUM UNIVERSITATIBUS

NUM. PROTOC.  $\frac{245}{22}$

*Illustrissime et Reverendissime Domine,*

Epistolae Apostolicae *De Seminariis et de Studiis Clericorum*, quae nuper ad me data est, exemplar, ipsius Sanctissimi D. N. Pii PP. XI auctoritate ac nomine, ad Amplitudinem Tuam mitto.

Nihil est profecto cur magnitudinem pondusque rei multis demonstrem ac suadeam; plane siquidem vides cum eius exitu arcte esse connexam magna ex parte Ecclesiae prosperitatem, ipsamque populorum aeternam salutem.

Certam spem foveo te, pro tuo erga Sedem Apostolicam studio, omnem curam diligentiamque impensurum ut Seminarium tuum ad eas normas admissim componatur, quae in Epistola sive praescriptae, sive confirmatae sunt.

Haec si fuerint praestita, clerus tali virtutis et doctrinae laude excelleret, qualem dignitas christiani sacerdotii et ipse temporum morumque cursus requirit, exiguam operariorum copiam duplicata paucorum compensabit opera, munusque tuum pastorale non modo senties allevari, sed et optatis in grege fructibus abundare.

Haec dum Amplitudini Tuae communico, fausta Tibi a Domino omnia adprecor.

Romae, ex Secretaria S. Congregationis de Seminariis et Studiorum Universitatibus, die xxv Augusti anno MCMXXII.

Addictissimus in Domino  
CAIETANUS Card. BISLETI  
*Praefectus.*

*Illmo ac Revmo Domino*

P. D. JOSEPHO ALVAREZYMIRANDA

*Epis. Legionen.*

---

**Sanctissimi Domini Nostri Divina Providentia  
PII PAPAE XI  
EPISTOLA APOSTÓLICA  
De Seminariis et de studiis Clericorum**

DILECTO FILIO NOSTRO CAIETANO BISLETI S. R. E. CARDINALI  
PROTODIACONO, PRAEFECTO SACRI CONSILII SEMINARIIS ET  
STUDIORUM UNIVERSITATIBUS CURANDIS.

PIUS PP. XI

DILECTE FILI NOSTER SALUTEM ET APOSTOLICAM  
BENEDICTIONEM

Officiorum omnium sanctissimorum, quaecumque Apostolici muneris amplitudo complectitur, nullum sane

nec maius est nec patet latius, quam curare et efficere ut Ecclesiae ad divina sua munia obeunda bonorum ministrorum satis magna copia suppetat. Id enim est eiusmodi, quod Ecclesiae et dignitatem et efficientiam et vitam ipsam coniunctam habet; quodque ad salutem humani generis tam interest quam quod maxime: siquidem quae mundo parta sunt a Iesu Christo Redemptore inmensa beneficia, ea non cum hominibus, nisi per «ministros Christi et dispensatores mysteriorum Dei», communicantur. Iam vero ex hac beati Petri Cathedra, in qua nulli merito Nostro divinitus collocati sumus, circumspicientibus Nobis eum, qui proximis Nostris curis demandatus est, orbem catholicum, existimare licet ex una parte quae et quam magnae sint animarum necessitates, ex altera autem quam non eis plurifariam Clérus, pro sua praesertim paucitate, sufficiat: difficultatesque ad eum rite supplendum, quae iam gravissimae aderant, quanto factae sint recentis belli damnis iacturisque graviores. Quod si omnibus, quotquot divinae gloriae alienaeque saluti student, longeque ante alios sacris Pastoribus, permolestum accidat oportet, facile intelligitur Nos, cum omnium Ecclesiarum curam sustineamus, multo vehementius quam ceteros eam ipsam ob causam anxios esse atque sollicitos. Itaque in exordio Pontificatus maximi nihil Nobis est antiquius, quam singulare quoddam studium ad rem tanti momenti conferre: praecipueque advocatam adhibere operam istius Urbani Consilii cuius est educationem doctrinamque sacrae iuventutis universae moderari. Novimus enim multa iam a decessoribus Nostris eodem Consilio, ut instrumento, usis peropportune esse praescripta, quae Nos et valde probamus omnia et Nostrae auctoritatis suffragio confirmamus: verum nonnulla ex iis sunt, quae omnino volumus eo vel impensius urgeri, tamquam sancto proposito maxime conducibilia. Quapropter ad te, dilecte Fili Noster, eiusdem sacri Consilii praefectum, has damus litteras, ut quemadmodum huius Nostrae tantae

sollicitudinis in primis es particeps, ita ad ea significanda quae eandem levare possunt, te ipso interprete utamur.

Principio, quoniam sacri ordinis Ecclesiaeque rationes artissime, uti diximus, inter se cohaerent, non est dubitandum quin omni tempore satis hominum a Deo ad sacerdotium destinetur; alioquin necessaria in re Deus unquam deeset Ecclesiae suae, quod nefas est dicere.

Quamquam hac ipsa in re, aequae ac in ceteris quae ad communem animarum salutem opus sunt, ea divinae providentiae lex valet, ut communes preces amplissimum locum habeant ad impetrandum. Apertum enim notumque omnibus est illud: *Messis quidem multa, operarii autem pauci. Rogate ergo Dominum messis ut mittat operarios in messem suam* (1). Quoniam igitur huic officio optimus quisque satisfacere, Ecclesia praeunte, consuevit, iam ut candidatorum ad sacra numerus accrescat, in primis servari cupimus optamusque quod in Iuris Canonici Codice ita praescriptum est: *Dent operam sacerdotes, praesertim parochi, ut pueros, qui indicia praebeant ecclesiasticae vocationis, peculiaribus curis a saeculi contagiis arceant, ad pietatem informant, primis litterarum studiis imbuant divinaeque in eis vocationis germen foveant* (2). Qui quidem, ubi maturum tempus esse indicaverint, suos alumnos studebunt sacro alicui seminario tradere in disciplinam, ut in eis, quod ipsi inchoaverint, rite perficiatur. Quod si huic rei tenuitas adolescentulorum fuerit impedimento, nec sacerdotes sumptus suppeditare ipsi possint, bonorum animos excitent ad succurrendum, proposita rei tum sanctitate, tum etiam incredibili utilitate. Quo loco facere non possumus quin rogemus omnes, quicumque Ecclesiam diligunt ut illud «Opus vocationum ecclesiasticarum» quod, pueris spei bonae et domi et apud Parochos et intra Seminario-

---

(1) Matth. IX, 37, 38.

(2) Can. 1353.

rum saepta sedulo adiuvandis, salubriter institutum est, omni foveant studio atque promoveant.

Illud enimvero maximae Nobis est curae, modisque omnibus efficiendum est, quod decessores Nostri Leo XIII et Pius X saepius praeceperunt, ut sacra Seminaria, nisi ad eam rem, cuius causa condita sunt, ne adhibeantur, id est ad sacrorum ministros, ut oportet, instituendos. Quare non modo in eis locus esse non debet pueris vel adolescentulis, qui nullam ad sacerdotium praeferant propensionem voluntatis,—horum enim consuetudo clericis mirum quantum obest — sed etiam cum pietatis exercitationes, tum ratio studiorum, tum ipsum gubernationis genus huc omnino spectent oportet, ut ad perfunctionem divini muneris accommodate alumnorum animi praeparantur. Haec esto Seminariorum omnium, nullo excepto, sanctissima lex; cui quidem si religiosius usque adhuc obtemperatum esset, tanta fere ubique non esset paucitas sacerdotum. Nam hoc est in proclivi, quae non congruenter suae, propriae naturae regantur Seminaria, ea suum quidem retinere nomen, re autem vera societati civili multum prodesse posse, at sacro ordini vix aliquid aut omnino nihil proficere.

Iam quomodo constituta esse oporteat seminaria ut idonea existant sacerdotibus educandis, qui et a pietate et a doctrina bene instructi sint, non est Nobis in animo hic explicare: dumtaxat nonnulla sunt, quae praecipue, ut maximi momenti et ponderis, cupimus, dilecte Fili Noster, universos sacrorum Antistites diligenter attendere.

Primum est de linguae latinae studio in litterariis clericorum ludis omni cura fovendo atque provehendo, quam linguam scientia et usu habere perceptam non tam humanitatis et litterarum, quam religionis interest. Etenim Ecclesia ut quae et nationes omnes complexu suo contineat, et usque ad consummationem saeculorum sit permansura, et prorsus a sui gubernatione vulgus arceat,

sermonem suapte natura requirit universalem. immutabilem, non vulgarem. Huiusmodi cum sit sermo latinus, divinitus provisum est ut is mirifico esset usui Ecclesiae docenti, idemque Christifidelibus doctioribus ex omni gente magnum ministraret vinculum unitatis; iis dando scilicet non solum unde, vel locorum intervallo disiuncti vel in unum locum congregati, facile inter se sensa mentis et consilia conferrent, sed etiam, quod maius est, unde, quae Ecclesiae matris sunt, altius cognoscerent et cum Ecclesiae capite artius cohaerent. Utraque de causa, ut cetera omittamus, liquet clerum ante alios, latinae linguae perstudiosum esse oportere; neque enim hic laudes persequimur, quibus hoc commendatur loquendi genus, pressum, locuples, numerosum, majestatis plenum et dignitatis. quod mire dixeris comparatum ad servandum Romani Pontificatus gloriae, ad quem ipsa Imperii sedes tamquam hereditate pervenerit. Quod si in quopiam homine laico, qui quidem sit tinctus litteris, latinae linguae, quam dicere *catholicam* vere possumus, ignoratio quemdam amoris erga Ecclesiam languorem indicat, quanto magis omnes clericos, quotquot sunt decet eisdem linguae satis gnaros esse atque peritos. Horum profecto est latinitatem tanto tueri constantius, quanto a sapientiae catholicae adversariis qui saec. XVI Europae in una Fidei doctrina consensionem labefactarum. acrius eam norunt oppugnatam. Quare — quod ipsum in Iure Canonico cautum est (1) — in litterarum ludis, ubi spes sacri ordinis adulescunt, accuratissime sermone latino volumus alumnos institui, hanc etiam ob causam, ne deinde, cum ad maiores disciplinas accesserint, quae latine utique et tradendae et percipiendae sunt, fiat ut prae sermonis inscitia plenam doctrinarum intelligentiam assequi non possint, nedum se exercere scholasticis illis disputationibus, quibus egregie iuvenum acuuntur ingenia

---

(1) Cod. I. C. can. 1364.

ad defensionem veritatis. Ita iam non continget, quod saepius dolemus fieri, ut nostri clerici sacerdotesque, cum haud satis operae litterarum latinarum studio dederint, neglectis Patrum Doctorumque Ecclesia copiosis voluminibus, quibus Fidei dogmata exhibentur cum dilucide proposita tum invicte defensa, idoneam sibi doctrinae copiam a recentioribus petant auctoribus, in quibus fere non modo perspicuum dicendi genus et accurata disserendi ratio solet, sed fidelis etiam dogmatum interpretatio desiderari. Quae igitur Paulus Timotheum admonuit: *Formam habe sanorum verborum* (1)... *Depositum custodi, devitans profanas vocum novitates, oppositiones falsi nominis scientiae, quam quidam promittentes circa fidem exciderunt* (2), haec, si unquam alias, his praesertim temporibus valent, cum varias errorum fallacias scientiae nomine specieque obiectas, nimis multi usque quaque venditare consueverunt. Has autem quis detegere possit ac redarguere, nisi Fidei dogmatum probe sensum teneat vimque verborum quibus solemniter sunt expressa, denique nisi ipsum, quo Ecclesia utitur, sermonem calleat?

Alterum in quo singularem Episcoporum vigilantiam requirimus, ad altiora adolescentis Cleri studia pertinet. Omnino quae hac de re sunt in Iure Canonico providentissime statuta (3), ea sancte inviolateque observari debent, si quidem consilium est sacerdotum parare copiam, qui tantae magnitudini muneris impares non sint. Confecto igitur litterarum curriculo, nostri alumni, ut sacrae Theologiae aptam praeparationem adhibeant, minimum biennio diligentissime in Philosophiae studio versentur. *Scholasticam* intelligimus Philosophiam, a sanctis Patribus Scholaeque Doctoribus quadam laborum continuatione naviter expolitam, ac denique opera et ingenio

(1) II *Tim.*, l. 13.

(2) I *Tim.*, VI, 20, 21.

(3) Cod. l. C. can. 1365 et 1366.

Thomae Aquinatis ad summum perfectionis gradum adductam quam quidem decessor Noster illustris Leo XIII «Fidei propugnaculum ac veluti firmum Religionis munimentum.» (1) appellare non dubitavit. Profecto ipsius Leonis magna laus est Philosophiam Christianam, excitato Doctoris Angelici amore cultuque, instaurasse: atque etiam sic iudicamus, omnium rerum, quas in diuturno Pontificatu pro Ecclesia et pro societate civili utilissime gesserit hoc adeo fuisse caput, ut si cetera non adessent, haec una res satis esset ad tanti Pontificis nomen immortalitate commendandum. Itaque in primis sibi curae habeant magistri Philosophiae in hac disciplina clericis tradenda non solum rationem seu methodum, verum etiam doctrinam et principia sequi sancti Thomae: idque eo faciant vel studiosius, quod sciunt nullum Ecclesiae Doctorem *modernistis* caterisque fidei catholicae hostibus ita esse terrori ac formidini, ut Aquinatem.

Quod autem de Philosophia dicimus, idem est de sacrae Theologiae disciplina intelligendum. Nam, ut Sixti V verbis utamur: «Huius quidem tan salutaris scientiae cognitio et exercitatio, quae ab uberrimis divinarum Litterarum Pontificum, Sanctorum Patrum et Conciliorum fontibus dimanat, certe semper maximum Ecclesiae adiumentum afferre potuit, sive ad Scripturas ipsas vere et sane intelligendas et interpretandas, sive ad Patres securius et utilius perlegendos et explicandos, sive ad varios errores et haereses detegendas et refellendas; his vero novissimis diebus, quibus iam advenerunt tempora illa periculosa ab Apostolo descripta, et homines blasphemii, superbi et seductores proficiunt in peius, errantes et alios in errorem mittentes, sane catholicae Fidei dogmatibus confirmandis et haeresibus confutandis per necessaria est» (2). Etenim id quod efficit ut hoc disci-

---

(1) Litt. Enc. *Aeterni Patris*.

(2) Bulla *Triumphantis*, an. 1588.



plinae genus vim scientiae veri nominis habeat, in eoque—  
un desideratissimus decessor Noster praeclare ait (1)—«ple-  
na sit, quantum per humanam rationem licet, explicatio  
invitaeque defensio traditae divinitus veritatis», nihil est  
aliud nisi Philosophia Scholastica, duce et magistro  
Aquinatense, in usum ipsius sacrae disciplinae conversa.  
Hinc «apta illa et inter se nexa rerum et causarum cohae-  
»rentia, ille ordo et dispositio tamquam militum in pug-  
»nando in instructio, illae dilucidae definitiones et distinc-  
»tiones, illa argumentorum firmitas et acutissimae dispu-  
»tationes, quibus lux a tenebris, verum a falso distingui-  
»tur, haereticorum mendacia multis praestigiis et falla-  
»ciis involuta, tamquam veste detracta, patefiunt et denu-  
dantur» (2). Consequens est, non bene sacrae iuventuti  
consulere, qui omnem de theologia institutionem, scho-  
lastica ratione neglecta, ad *positivam methodum*, ut di-  
citur, exigendam putent; multoque minus eos officio suo  
satisfacere, qui huius doctrinae magisterium non aliter  
exerceant, nisi ordinem seriemque dogmatum atque hae-  
resum doctis disquisitionibus exsequendo. Illa enim posi-  
tiva methodus necessario quidem scholasticae adiungen-  
da est, sed sola non sufficit; cum bene comparari nostros  
oporteat ad Fidei veritatem non modo convincendam, sed  
illustrandam etiam ac defendendam; Fidei autem dogmata  
contrariosque errores ex ordine temporum recensere,  
ecclesiasticae quidem historiae est, non vero munus  
Theologiae

Tertio loco, quod ad clericorum studia pertinent, qui,  
pro conscientia officii, ea moderetur, non is profecto  
praescriptiones Iuris Canonici negliget de Theologia  
*pastorali* (3): imo plurimum tribuet huic disciplinae, qua  
quidem proxime animarum quaeritur salus. Nec vero

(1) Benedictus XV, Motu proprio *De Romana Sancti Thomae  
Academia*, ann. 1914.

(2) Sixtus V., l. c.

(3) Can. 1354, § 5.

dumtaxat, quam sancte sint divina tractanda, praecipiet; sed praeterea quemadmodum sint maiore semper cum fructu hominibus applicanda. In quo ei erit temporum habenda ratio diligentissime. Multa enim in populi christiani mores rerum cursus induxit, patrum nostrorum inaudita temporibus: quae pernovisse hodie sacerdotem oportet, ut nova novis remedia malis in Iesu Christi virtute reperiat, et salutarem Religionis vim in omnes venas afferat humanae societatis.

Denique scito, dilecte Fili Noster, admodum cordi Nobis illud esse quod pariter in iuris Canonici Codice statuitur: *Si constitui Seminarium diocesanicum nequeat, aut in constituto Seminario conveniens institutio, praesertim in philosophicis ac theologicis disciplinis, desideretur, Episcopus alumnos in alienum Seminarium mittat, nisi Seminarium interdioecesanum vel regionale, auctoritate apostolica, constitutum fuerit* (1). In quo quidem optandum est ut Episcopi, quorum id refert, Apostolicae Sedis providentiam aestiment eique libentibus animis suffragentur. Quam multi enim sunt, qui vel moderatorum praeceptorumque inopia, vel fortunarum angustiis, vel alia de causa nequeunt adolescentes clericos, si quos habent maioribus studiis maturos apud se curare, ut dignum est, instituendos? His igitur, ut possent permagno sui muneris officio fungi, opportune haec Apostolica Sedes opitulata est, conditis maxime per Italiam, in singularum regionum commodum, nonnullis Seminariis, iisque praesidium doctorumque nobilitate florentibus, unde sacerdotes exsisterent ad omne opus bonum instructi paratique se devovere totos Dei gloriae animarumque saluti. Nos equidem id instituti genus, in quo sapientia aequae ac munificentiae decessorum Nostrorum Pii X et Benedicti XV spectata est, cum sartum et tectum conservare volumus, tum etiam, quantum est in Nobis,

---

(1) Can. 1354, § 3.

omni ope in maius provehere.—At vero par est et consensaneum, sacrorum quoque Antistites, qui eius sint regionis, cuius gratia Seminarium huiusmodi sit excitatum debere omnes eidem pro virili parte prospicere. Quos quidem rogamus, ne inviti id faciant, quod non solum communis ab eis, sed propriae etiam ipsorum utilitatis ratio postulat. Etenim, si reputaverint—quod res est—suam cuiusque causam hic agi, et Seminarium interdioecesanum vel regionale suarum cuique dioecesium Seminarii maioris instar esse, in quo ipsi eadem iura eademque officia singuli habeant, nihil sane, quod intelligant a se in eius bonum conferri posse, unquam recusabunt.

Haec habuimus, dilecte Fili Noster, ad te de clericorum institutione scribere. Iam istius, cui praees, Urbani Consilii erit curare, ut tum in sacris Seminariis Collegiisque clericorum, tum in magnis Lyceis et *facultatibus* seu doctorum ordinibus, quicumque eidem Consilio subiecti sunt, ea diligenter ubique ad effectum adducantur. Eadem ipsa igitur, ex auctoritate Nostra, omnibus, quorum interes, tu significabis. Deprecante autem Virgine beatissima, Eius Matre qui est *Sacerdos in aeternum*, confidimus rem magno cum emolumento sacri ordinis, Dei misericordiae gratia, successuram.

Auspicem interea divinorum munerum ac peculiaris Nostrae benevolentiae testem, apostolicam benedictionem tibi, dilecte Fili Noster, amantissime impertimus.

Datum Romae apud Sanctum Petrum die 1 mensis augusti, anno MCMXXII, Pontificatus Nostri primo.

PIVS PP. XI

---

---

# Sacra Congregatio Rituum

## ROMANA

### CIRCA CAMPANULAM PULSANDAM IN CELEBRATIONE MISSAE

Occasionem nacti Congressus Eucharistici Internationalis hoc anno Romae habiti et prospero felicique progressu probati, quidam Sacrorum Antistites allique viri dignitate ac pietate conspicui, ad decorem divini cultus erga ipsum ineffabile Eucharistiae mysterium, etiam per uniformitatem ritus et aedificationem christifidelium, provehendum, Sacram Rituum Congregationem adierunt, reverenter postulantes:

«Utrum Rubricae quae in *Ritu celebrandi Missam*,  
«tit. VII, n. 8, et tit. VIII, n. 6, praescribit ministrum pul-  
«sare campanulam ad *Sanctus* et ad *elevationem Hos-*  
«*tiae et Calicis*, post consecrationem applicandae sint  
«etiam ad Missas solemnes seu cantatas et pontificales,  
«de quibus tamen circa campanulam pulsandam *Missale*  
«*Romanum* in citatis titulis et *Caeremoniale Episcopo-*  
«*rum*, lib. II, cap. 8, silent?».

Et Sacra eadem Congregatio, audito specialis Commissionis suffragio, quibusdam casibus a communi regula iam exceptis per decreta edita nn. 3157, *Mechlinien*, ad 10 (5 septembris 1867), 3448, *Societatis Iesu*, ad 2 (11 maii 1878) et 3814, *Dubiorum* (21 novembris 1893), inspecta praxi communi et antiqua, perpensis rationibus quae in casu aequae militant pro Missis privatis et aliis solemnioribus; nempe: Christifidelium attentio, laetitia, devotio, fidei catholicae professio in veram ac realem Iesu Christi praesentiam in SSma. Eucharistia, eorumque consociatio angelicis choris ad laudandum Deum et adorandum; quum neque obstet praenotatum silentium, quod, sicut in aliis caeremoniis, suppletur in casu per expressas Rubricas quae non distinguunt inter Missas privatas et Missas solemniore, neque has excludunt,

proposito dubio ita respondendum censuit: *Affirmative, et ad mentem.*

Mens autem est: «Si usus, ex toto vel ex parte con-  
«trarius, in aliqua ecclesia Colegiata, Cathedrali et Pa-  
«triarchali, aliisque ecclesiis seu oratoriis hucusque  
«vigerit, eadem ecclesia seu oratorium, amodo se confor-  
«met communi praxi et enuntiatae Rubricarum interpre-  
«tationi; nisi, loco campanulae, alterum et congruum sig-  
«num adhibeat. Insuper ad removendum, quantum fieri  
«potest, inconveniens quo aliqui de longinquo vel de pro-  
«pinquo in templo sistunt sine attentione ac reverentia  
«etiam ad praecipuas divinatorum mysteriorum actiones,  
«maxime expedit, ut paulo ante consecrationem aliquod  
«campanulae detur signum, iuxta communem ecclesia-  
«rum praxim».

Quam resolutionem et mentem Sanctissimo Domino nostro Pio Papae XI, per infrascriptum Cardinalem Sacrae Rituum Congregationi Praefectum, relatas, Sanctitas Sua ratas habuit, approbavit et servari mandavit. Die 25 octobris 1922.

✠ A. CARD. VICO, Ep. Portuen. et S. Rufinae,  
*S. R. C. Praefectus.*

L. ✠ S.

Alexander Verde, *Secretarius.*

(*Acta Apostolicae Sedis*, 1922, pp. 557-558).

---

## **El Nuevo Cardenal Primado Emmo. y Rvdmo. Sr. Dr. D. Enrique Reig y Casanova**

En el Consistorio celebrado por Su Santidad el Papa Pío XI, el día 11 del actual mes, fué creado Cardenal-Presbítero de la S. I. Romana el Excmo. Sr. Arzobispo de Valencia, electo Primado de Toledo, Dr. Reig y Casanova.

Nació en Valencia el 20 de enero de 1859, habiendo

recibido el Presbiterado en 1886. Entre otros, desempeñó los cargos de Catedrático del Seminario de Almería, Secretario de Cámara, y Provisor y Vicario General del Obispado de Mallorca donde, en 1895, ganó por oposición una canonjía; en 1901, fué promovido a un canonicato en la Catedral de Toledo, de la cual fué mas tarde Arcediano y posteriormente Provisor y Vicario General del Arzobispado. El 1904, le fué conferido el cargo de Auditor del Supremo Tribunal de la Rota. Fué preconizado Obispo de Barcelona el 28 de mayo de 1914, y en mayo de 1920, promovido a la sede metropolitana de Valencia.

Preparado para el ministerio sacerdotal con carrera brillantísima, a la que se unían sus eximias cualidades de sacerdote infatigable y prudente en sus consejos, fué bien pronto utilizado para los más difíciles cargos, en los que fué siempre uno de los más infatigables campeones de la sociología católica. Sus profundos conocimientos jurídicos y canónicos y su vasta cultura le mereció la distinción de ser el primer Rector de la Academia-Universidad Católica, de presidir asambleas y congresos, en los que por su acertada dirección se patentizaron, con fulgores de luz meridiana, el dominio y conocimiento de los problemas sociales.

Sus Cartas Pastorales, tanto en Barcelona como en Valencia, merecieron los más justos elogios, siendo algunas de ellas traducidas al francés y al inglés.

Conociendo y comprendiendo como pocos, el Doctor Reig, el movimiento proletario de nuestros tiempos, justo es augurar y predecir que, elegido para la silla Primada de Toledo, la acción social católica emprenderá una nueva época de prosperidad bajo su vigilante y sabia dirección.

Al presentar y ofrecer al Emmo. Sr. Cardenal Primado nuestra más viva y entusiasta felicitación, junto con los plácemes más humildes y sinceros, nos congra-

tulamos, de que gloria tan legítima y prestigiosa del Episcopado español, como el Emmo. y Rvdmo. Sr. Doctor D. Enrique Reig y Casanova, venga a continuar la brillante historia de los santos y sabios Prelados, que, tan conocido renombre, han dado a la preclara Silla Primada de Toledo.

---

## LA UNIÓN MISIONAL

En esta Diócesis, como era de esperar, cunde el entusiasmo por el ideal nobilísimo de la Unión Misional del Clero; son ya muchos los Sacerdotes que en ella se han inscrito, bríndanse no pocos con gran generosidad y celo a trabajar asiduamente en sus respectivas parroquias por la pronta implantación y cumplido desarrollo de las obras misionales. Lo cual, ciertamente, es motivo de legítima satisfacción para los que se hallan al frente de la Obra, y nos confirma en la persuasión, que siempre tuvimos, de que no será la Diócesis de San Juan de Prado de las que figuren en última fila en el movimiento misional, que tan pujante se ha iniciado en la Patria de los Javieres.

---

El Secretario de la Unión Misional Diocesana hace constar aquí, para conocimiento de todos los interesados, que a cada uno de los socios hasta la fecha inscritos se le ha enviado ya el ejemplar de los Estatutos y la patente de inscripción correspondiente.

No obstante, si alguno no los hubiere recibido, puede dirigirse al Secretariado (Seminario Conciliar, apartado número 11) pidiendo otro ejemplar, y se le remitirá de nuevo.

Al propio tiempo ruega a los señores Curas que al pedir ser inscritos en la Unión Misional, no dejen de hacer constar sus *dos apellidos* y el *cargo* que desempeñan (párroco, ecónomo, vicario, etc.); y aun les agradecería mucho se dignaran expresar la *ruta* más segura para el envío de los Estatutos y patente por correo.

## **Fallecimiento del Emmo. y Rvdmo. Señor Cardenal Dr. D. José Martín de Herrera, Arzobispo de Santiago.**

El día 8 del actual mes de diciembre, acabó santamente sus días el Emmo. Sr. Cardenal Martín de Herrera (q. e. p. d.)

Había nacido tan eminente purpurado en Aldeávila de la Rivera (Salamanca) el 26 de agosto de 1835, habiendo desempeñado, entre otros, los importantes cargos de Abad de la Colegiata de Logroño, desde 1867 a 1871, y el de Deán de esta S. I. Catedral de León desde 1871 a 1875. En 5 de julio de 1875 fué preconizado para la silla arzobispal de Santiago de Cuba, y el 14 de febrero de 1889 se le promovió a la sede metropolitana de Santiago de Compostela. En el Consistorio de 19 de abril de 1897 fué creado Cardenal, recibiendo el capelo en 24 de marzo del año siguiente.

Es imposible recoger en los estrechos límites de esta nota bibliográfica, la extensa labor apostólica, durante la larga vida del Emmo. Purpurado, que ya de seminarista fué modelo y alumno aventajado, organizando una Conferencia de San Vicente de Paúl entre sus compañeros, distinguiéndose en esta ciudad por su celo en la predicación y por sus trabajos catequísticos; tanto en Santiago de Cuba, como en Compostela, fueron sus primeros cuidados por la formación de un clero celoso y ejemplar, al que inculcó como obligación primaria la enseñanza de la doctrina cristiana en las parroquias; pero su virtud característica fué la de hacer el bien, ayudando y cooperando con largueza a toda obra caritativa, no siendo extraño, por consiguiente, que haya muerto pobre quien durante su vida acudió solícito al remedio de toda necesidad.



No hay duda que Dios Nuestro Señor habrá coronado de gloria los trabajos apostólicos de tan celoso Prelado y eminente Purpurado, de quien aún se conservan gratos recuerdos en esta ciudad.

---

## SAGRADAS ÓRDENES

El Excmo. y Rvdmo. Sr. Obispo confirió el día 21 de los corrientes la Prima Clerical Tonsura, el Ostiarado y Lectorado, y las Ordenes Mayores y el Exorcistado y Acolitado el día 23 del mismo, a los señores siguientes:

### *Prima Clerical Tonsura*

D. Rufo Prieto Monje, D. Enrique Renedo de la Calle, D. Felipe Mayordomo y Mayordemo, D. Fabio García González, D. Victorio Santos Delgado, D. Emiliano Cosgaya García, D. Teodoro Torío Rodríguez, don Gabriel González Liébana, D. Eusebio Mazano Marcos, D. Teodosio García Delgado y D. Ciro Lucio Soto López.

### *Ordenes Menores*

D. Silvano Pérez González y D. Rufino Lanero Villadangos.

### *Subdiaconado*

D. Saturnino Cabreros Rando, D. Francisco Pérez Rodríguez, D. Cayetano Rodríguez González y D. Timoteo del Blanco de Castro.

### *Diaconado*

D. Clodoaldo Pastor Ayuela, D. José Piedad Bayón Fernández, D. Germán González de la Red, D. Guillermo Bartolomé Martínez, D. Severino Llamazares Lomas y D. Amancio González Escobar.

*Presbiterado*

D. Lucas Fernández González y D. Leonardo Gutiérrez García.

---

Asimismo previas las oportunas Dimisorias, han sido promovidos:

EN BURGOS

*Al Presbiterado*

D. Laurentino Marcos Rojo y D. Federico Campo y Campo.

*Al Diaconado*

D. Eladio Tejedor Alcántara.

*Al Subdiaconado*

D. Simeón Lorenzo Pérez.

*A Tonsura*

D. Prudencio de la Puente Rivero.

EN COMILLAS

*Al Presbiterado*

D. Julio Baños Franco.

*Al Subdiaconado*

D. Garciliano de la Vega Espejo y D. Antonio Alonso Núñez.

*A Tonsura*

D. Abel Otero Lucio.

EN PALEECIA

*Al Diaconado*

D. Luis Madrigal Milano.

---

## Suscripciones permanentes en el Obispado de León

### *Para el Dinero de San Pedro*

Arcipreste y Párroco de Grulleros, 5 ptas.; Villaturiel, 5; Párroco de Cabrera de Almanza, 2; Párroco de Renedo de Valdetuejar, 2; Párroco de Prado de Villalpando, 5; D. Antonio Jorge Santos, 2; Párroco de Villacelama, 5; Villanueva del Pontedo, 5; Villalebrín, 2; San Felismo, 5; Párroco y varios feligreses de San Andrés de la Regla, 8; *Total, 2.414,45 ptas.*

### *Para las Misiones en Tierra Santa*

Vozmediano, 1; Vallecillo, 1,50; D. Miguel Hernández, Coadjutor de Ntra. Sra. del Mercado, 2,50; Villaturiel, 5; Prado de Villalpando, 1; *Total, 337,75 pesetas.*

### *Para los Santos Lugares de Jerusalén*

San Andrés del Rabanedo, 4,50 ptas.; Mozónliga, 5; Palazuelo de Torio, 5; D. Gerásimo Blanco, Coadjutor de S. Martín, 2; Horcadas, 5,25; La Unión de Campos, 1,50; Canseco, 5; Santa Marina de Valdeón, 6; Villanuño, 6; Argovejo, 7; Valsadornin, 6; Polvorosa, 6,25; La Vega de Almanza, 2; Azadinos, 5,50; Villacarralón, 3; Villalmán, 2,50; Vozmediano, 1; Matadeón de los Oteros, 3; Vallecillo, 3,60; Villaturiel, 5; Villamartín de D. Sancho, 4; Villafría, 3; S. Esteban de Molar, 8; Renedo de Valdetuejar, 3; Prado de Villalpando, 3,25; Fresnedo, 3; Valporquero de Vegacervera, 6; Párroco de Isoba, 2; Párroco y varios feligreses de S. Andrés de la Regla, 5; *Total, 1.909,25 ptas.*

La suma total que arrojan las tres expresadas suscripciones será enviada por el Excmo. y Rvdmo. Señor Obispo a la Santa Sede, para los fines expresados en las mismas.

En el primer número del BOLETÍN del año próximo se publicarán las primeras listas de donantes y cantidades

ofrecidas para las tres dichas suscripciones permanentes en la Diócesis: «Dinero de San Pedro», «Santos Lugares de Jerusalén» y «Misiones en Tierra Santa», las que, una vez más, recomienda Su Excia. Ilma. al reconocido celo de los Rvdos. Sacerdotes, encargados de las parroquias y demás iglesias, seguro de que todos continuarán interesando de los fieles el óbolo de su caridad para atender a las necesidades cuyo alivio se procura con aquéllas, y preferentemente a la destinada para el «Dinero de San Pedro», la más digna de atención, en las actuales circunstancias que han venido a multiplicar las necesidades de la Santa Sede.

León, 27 de diciembre de 1922.

Lic. Felipe García Alvarez,  
CAN.º - SECRETARIO.

---

## **Necrología y Asociación de Sufragios Mutuos del Clero y de la Diócesis**

Núm. 20

El día 14 del corriente mes de diciembre falleció en la paz del Señor, en la parroquia de Santa Olaja de la Varga, después de haber recibido los Santos Sacramentos y la Bendición Apostólica, el Rvdo. Sr. D. Domingo Lasso Sánchez, profesor que había sido del Seminario Conciliar de San Mateo, de Valderas, a los 42 años de edad y 16 de ordenación sacerdotal. — R. I. P.

Pertenecía a la Asociación de Sufragios del Clero de la Diócesis y tenía aplicadas las Misas, por lo que todos los asociados aplicarán en sufragio del alma del finado la dispuesta por el Reglamento de la Asociación.

El Excmo. y Rvdmo. Sr. Obispo se ha dignado conceder cincuenta días de indulgencia a todos los que en sufragio del alma del finado elevaren a Dios alguna oración o hicieren algún acto de penitencia.